

HARDANGERVIDDA

T U N N E L E N E

Simadalsvegen 1

5783 Eidfjord

post@hardangerviddatunnelen.no

tif. 90944980



REIN VIDDE.

**Til Vestland Fylkeskommune
Fylkesordfører Jon Askeland
Bergen**

Vedrørende Fylkesrådmannen sitt framlegg til NTP 2022-2033.

Viser til framlegg frå Fylkesrådmannen i Vestland Fylke.

Det kan vel ikkje vera riktig at Vestland Fylkeskommune framleis viser til Øst-Vest-utgreiinga av 2015 som hovuddokument for trasevalg E 134 og rv 52, med krav om Hordalandsdiagonal. (jf pkt g. og m.) Funksjonsfordelingsvedtaket rv 52/rv7 av 2017 (jf Meld. St 33 2016-2017 NTP 2018-2029) er gjeldande vedtak.

Øst-vest-utgreiinga ei tilråding frå Statens vegvesen, som Stortinget altså ikkje går inn for. Denne utgreiinga føreset nedprioritering av Hardangervidda med 65 % bortfall av trafikken over vidda, noko som Vestland Fylkesting vel ikkje vil ha som offisiell politikk?

Trafikantprioriteringa viser i følgje ÅTD frå 2019 at Fjellovergangane i Sør-Noreg har slik trafikkfordeling: E 134 Haukelifjell har 30,7 % , Rv 52 Hemsedalsfjellet har 25,8 % , Rv 7 Hardangervidda har 24,2 % , E 16 Filefjell har 13,3 % og Fv 50 Hol-Aurland har 6 %".

Hardangerviddatunnlene As ber med bakgrunn i dette, omskriving av punkta g. og m. slik:

g. Fylkestinget vil prioritere rv. 52/7 og E134 som hovudsamband mellom austlandet og vestlandet. Dette er i tråd med regjeringa si avgjerd i 2017 om å prioritere og funksjonsfordele rv. 52 som hovudsamband for tungtransport og rv. 7 for personbiltrafikk og turisme, saman med E 134 og E 16. E 134 Vågslid-Røldal må inn i Nasjonal transportplan 2022-2033, og det bør startast reguleringsplanlegging for strekninga E134 Bakka- Solheim. For rv 52/7 er det behov for ein utviklingsstrategi for oppgradering av dei to sambanda, og det må avsetjast midlar i 2022-2027 til planlegging av tunnelar på for å betre vinterregulariteten og sikra leveområda til villreinen.

m. Fylkestinget tilrår å gjennomføre ein konseptvalutgreiing for ein diagonal mellom E134 og Bergensområdet («Hordalandsdiagonalen»), og ber om at dette arbeidet vert starta opp.

Eidfjord/Hol 28.04.2020



Leiv Vambheim - dagleg leiar

For

Petter Rukke
Styreleiar/Ordfører i Hol kommune

Anders Vatle
Nestleiar/Ordfører i Eidfjord kommune